

INFO SURAU

Blog
surau-vsk.blogspot.com

Akaun Bank Muamalat
0702 00033 127 15

E-mel
surauvsk@yahoo.com

LAMAM SESAWANG

jaipp.penang.gov.my
www.iluvislam.com
www.danialzainalabidin.com
ridhuantee.blogspot.com
www.quranexplorer.com
www.ustazmalek.com
www.haluan.org.my
www.rakancop.net
www.bomba.gov.my
www.999.gov.my

HADITH

Dari Abu Hurairah r.a,
 Rasulullah s.a.w
 bersabda: "*Jika kamu
 memakai sandal (kasut),
 pakailah yang kanan
 terlebih dahulu. Tetapi jika
 membukanya, yang kiri
 dahulu dibuka. Maka yang
 kanan adalah yang mula-
 mula dipakai dan yang
 terakhir dibuka.*"

(al-Bukhari)

9 Pembaziran Yang Sering Dilakukan Manusia

Sumber rujukan : <http://tazkirah-umum.blogspot.com/>

Ibnu Qayyim al-Jauziyah mengatakan ada 9 pembaziran yang sering dilakukan manusia iaitu:

Ilmu pengetahuan

Membazir jika tidak diamalkan untuk jalan kebaikan.

Amalan

Membazir jika dilakukan tidak dengan hati yang ikhlas.

Kekayaan

Membazir jika dibelanjakan pada perkara yang tidak bermanfaat dan tidak diredai Allah.

Hati

Membazir jika kosong daripada kasih kepada Allah.

Tubuh badan

Membazir jika tidak digunakan untuk beribadah kepada Allah.

Cinta

Membazir jika dicurahkan kepada selain Allah atau melebihi cinta kepada-Nya.

Masa

Membazir jika tidak diurus sebaiknya.

Akal

Membazir jika tidak memikirkan sesuatu yang bermakna kepada agama.

Zikir

Membazir jika tidak memberi kesan kepada hati.



Faedah-Faedah Solat

Sumber rujukan : <http://www.danialzainalabidin.com>

Solat yang dilakukan akan menggugurkan dosa seseorang. Imam Muslim meriwayatkan, nabi bersabda, *"Solat yang lima menghilangkan dosa sebagaimana air menghilangkan daki."* Dalam riwayat yang lain oleh Imam Muslim, nabi bersabda, *"Solat menghapuskan dosa yang berlaku di antara satu solat dengan satu yang lain melainkan dosa-dosa besar."*

Solat membina jati diri seseorang. Imam Abu Al-Aliyah berkata, *"Solat mempunyai tiga keistimewaan, dan jika tidak ada ketiga-tiga ini di dalam sesuatu solat, solat itu dianggap tidak berfaedah sama sekali. Keistimewaan-keistimewaan itu ialah ikhlas, khusyuk dan zikrullah. Ikhlas akan membawa seseorang kepada yang makruf, khusyuk akan mencegahnya dari perbuatan mungkar dan zikrullah akan membantunya melakukan yang makruf dan mencegahnya dari yang mungkar"*. Hal ini disebutkan di dalam Tafsir Al-Azhar oleh Hamka.

“Imam Muslim meriwayatkan, nabi bersabda, *"Solat yang lima menghilangkan dosa sebagaimana air menghilangkan daki."*

Di samping itu, solat menguatkan jiwa seseorang sehingga memampukannya meninggalkan kekejian dan kemungkaran. Dalam surah Al-Ankabut ayat 45, Allah berfirman, *"Sesungguhnya solat dapat mencegah seseorang dari perbuatan keji dan mungkar."* Apabila peribadi unggul seperti ini dapat dibentuk melalui solat, keluarga dan masyarakat akan menjadi aman dan selamat.

Solat mendidik umat Islam menjadi pengurus masa yang baik. Dalam surah An-Nisak ayat 103, Allah berfirman, *"Sesungguhnya solat adalah satu ketetapan berwaktu yang diwajibkan ke atas orang-orang mukmin."* Oleh kerana solat fardu yang lima terikat dengan waktu, mereka yang bersolat perlu prihatin dan peka dengan waktu kerana solat yang dilakukan di luar waktu dengan sengaja dianggap sebagai tidak sah dan bakal mendatangkan dosa. Kepekaan kepada waktu ini jika diperkembangkan kepada seluruh kehidupan akan menjadikan umat Islam satu golongan yang menghargai masa. Golongan yang menghargai masa pasti akan cemerlang.


Solat juga membentuk disiplin. Di antara perkara yang wajib dilaksanakan sebelum bersolat ialah mengambil wuduk, dan wuduk tidak dianggap sah melainkan dengan tertib. Tertib bermaksud, yang dahulu didahulukan dan yang kemudian dikemudiankan. Demikian juga ketika bersolat, tertib wajib dipelihara.

Jika seseorang mendahulukan amalan yang sepatutnya dikemudiankan, sebagai contoh, melakukan sujud sebelum qiam dan takbiratul ihram, solatnya dianggap tidak sah. Latihan-latihan seperti ini mampu melahirkan insan yang celik prosedur lagi berdisiplin sekali gus menjadikannya efisien dalam setiap pekerjaan.

Solat mendidik umat Islam agar mementingkan ilmu. Hal ini disebabkan ketika melaksanakan solat berjemaah, imam yang memimpin solat hendaklah dipilih dari kalangan mereka yang berilmu. Mengikut Imam Muslim dan Ahmad, nabi bersabda, *"Hendaklah yang mengimami sesuatu kaum itu mereka yang lebih tahu tentang Al-Quran. Jika kemampuan mereka sama di sudut ini, pilihlah dari kalangan yang lebih memahami sunah."* Makmum yang berada di belakang imam juga perlu menguasai ilmu kerana kadangkala imam terlupakan sesuatu di dalam solatnya. Justeru, untuk membantu imam, Islam mengarahkan agar makmum yang berdiri hampir dengan imam adalah dari kalangan mereka yang berilmu. Mengikut Imam Muslim, Ahmad, Abu Daud dan Tirmizi, nabi bersabda, *"Hendaklah mereka yang pandai lagi baligh bersolat dekat denganku, kemudian mereka yang seumpama mereka, kemudian mereka yang seumpamanya."*

“nabi pernah berkata, *"Bangunlah wahai Bilal (untuk azan) dan rehatkanlah kami dengan solat."*

Tekanan jiwa atau stres sering melanda manusia dan solat mempunyai penawar yang mampu meredakannya. Hal ini disebabkan solat mengandungi zikir dan zikir jika dilakukan dengan khusyuk mampu mendamaikan hati. Dalam surah Taha ayat 14 Allah berfirman, *"Dan tegakkanlah solat untuk berzikir kepadaku."* Oleh kerana solat benar-benar mendamaikan hati nabi pernah berkata, *"Bangunlah wahai Bilal (untuk azan) dan rehatkanlah kami dengan solat."* Hadis ini diriwayatkan oleh Imam Ahmad. Justeru di sisi nabi, solat diumpamakan seperti kekasih hati. Dalam sebuah riwayat oleh Imam An-Nasai, nabi bersabda, *"Dan dijadikan cahaya mataku pada solat."*



Episod akan datang :
Alam Barzakh Destinasi Yang Pasti